


書名 廣文選八十二卷 嘉靖
十二年序刊本
撰者 明 劉節 輯
卷 卷二十七
內容分類 集-總集-詩文
索書號 大木-集部-總集類-3

卷二十七



廣文選卷第一

編號 D7920300

彩色首頁1

東洋文化研究所漢籍目錄 編號: D7920300

東洋文化研究所漢籍目錄所藏漢籍善本文影像資料庫 索書號: 大木-集部-總集類-3

漢籍善本文影像資料庫文本 廣文選八十二卷 嘉靖十二年序刊本

版權所有: 東京大學 東洋文化研究所

使用上的注意事項

天地廣

天地賦

成公子安



明通議大夫都察院右副都御史大庾劉節廣

惟自然之初載兮道虛無而玄清太素紛以溷淆兮始
有物下而混成何元一之芒昧兮廓開闢而著形爾乃清
濁剖玄黃判離太極既殊是生兩儀星辰煥列日月
重規以尊地靜以卑昏明迭炤或盈或虧陰陽協
氣而寒暑隨時而推移三才殊性五行異位千變
萬化庶類授之以形稟之以氣色表文采聲有音
方流形品物鼓以雷霆潤以慶雲八風翱翔

廣文選卷第二十七

明通議大夫都察院右副都御史大庾劉節廣

騷上

九歌 五首

大司命

屈平

廣開兮天門紛吾乘兮玄雲令飄風兮先驅使凍雨兮
 灑塵君迴翔兮以下踰空桑兮從女紛總總兮九州何
 壽夭兮在予高飛兮安翔乘清氣兮御陰陽吾與君兮
 齊速導帝之兮九坑靈衣兮被被玉佩兮陸離一陰兮
 一陽衆莫知兮余所為折疏麻兮瑤華將以遺兮離居
 老冉冉兮既極不寢近兮愈疏乘龍兮鱗鱗高駝兮冲
 天結桂枝兮延竚羌愈思兮愁人愁人兮柰何願若今

兮無虧固人命兮有當孰離合兮可爲

東君

暎將出兮東方照吾檻兮扶桑撫余馬兮安驅夜皎皎
兮既明駕龍輶兮乘雷載雲旗兮委蛇長太息兮將上
心低徊兮顧懷羌聲色兮娛人觀者憺兮忘歸絙瑟兮
交鼓簫鐘兮瑤篴鳴龔兮吹竽思靈保兮賢姱翺飛兮
翠曾展詩兮會舞應律兮合節靈之來兮蔽日青雲衣
兮白霓裳舉長矢兮射天狼操余弧兮反淪降援北斗
兮酌桂漿撰余轡兮高駝翔杳冥冥兮以東行

河伯

與女遊兮九河衝風起兮橫波乘水車兮荷蓋駕兩龍
兮驂螭登崑崙兮四望心飛揚兮浩蕩日將暮兮悵忘
歸極浦兮寤懷魚鱗屋兮龍堂紫貝闕兮朱宮靈何
爲兮水中乘白鼃兮逐文魚與女遊兮河之渚流澌紛
兮將來下子交手兮東行送美人兮南浦波滔滔兮來
迎魚隣隣兮媵予

國殤

操吳戈兮被犀甲車錯轂兮短兵接旌蔽日兮敵若雲
矢交墜兮士爭先凌余陣兮躐余行左驂殪兮右刃傷
霾兩輪兮繫四馬援玉枹兮擊鳴鼓天時對兮威靈怒
嚴殺盡兮棄原壘出不入兮往不反平原忽兮路超遠
帶長劔兮挾秦弓首雖離兮心不懲誠既勇兮又以武
終剛強兮不可凌身既死兮神以靈魂魄毅兮爲鬼雄

禮魂

成禮兮會鼓傳芭兮代舞姱女倡兮容與春蘭兮秋鞠
長無絕兮終古

九章八首

惜誦

屈平

惜誦以致愍兮發憤以抒情所非忠而言之兮指蒼天
以爲正令五帝以折中兮戒六神與嚮服俾山川以備
御兮命咎繇使聽直竭忠誠而事君兮及離羣而贅旒
忘儂媚以背衆兮待明君其知之言與行其可迹兮情
與貌其不變故相臣莫若君兮所以證之不遠吾誼先
君而後身兮羗衆人之所仇也專惟君而無他兮又衆
兆之所讐也壹心而不豫兮羗不可保也疾親君而無
他兮有招禍之道也思君其莫我忠兮忽忘身之賤貧
事君而不貳兮迷不知寵之門忠何辜以遇罰兮亦非
余之所志也行不羣以顛越兮又衆兆之所咤也紛逢
尤以離謗兮蹇不可釋也情沈抑而不達兮又蔽而莫
之白也心鬱邑余侘傺兮又莫察余之中情固煩言不
可結而詒兮願陳志而無路退靜默而莫余知兮進號
呼又莫余聞申侘傺之煩惑兮中悶瞽之饨饨昔余夢
登天兮魂中道而無杭吾使厲神占之兮曰有志極而
無旁終危獨以離異兮曰君可思而不可恃故衆口其
鑠金兮初若是而逢殆懲執美而吹整兮何不變此志
也欲釋階而登天兮猶有曩之態也衆駭遽以離心兮
又何以爲此伴也同極而異路兮又何以爲此援也晉
申生之孝子兮父信讒而不好行倖直而不豫兮鮒功

用而不就吾聞作忠以造怨兮忽謂之過言九折臂而
成醫兮吾至今乃知其信然矰弋機而在上兮罟羅張
而在下設張辟以娛君兮願側身而無所欲值個以干
際兮恐重患而離尤欲高飛而遠集兮君罔謂女何之
欲橫奔而失路兮蓋堅志而不忍背膺牒以交痛兮心
鬱結而紆軫擣木蘭以矯蕙兮鑿申椒以爲糧播江離
與滋菊兮願春日以爲糗芳恐情質之不信兮故重著
以自明矯茲媚以私處兮願曾思而遠身

哀郢

皇天之不純命兮何百姓之震愆民離散而相失兮方
仲春而東遷去故鄉而就遠兮遵江夏以流亡出國門
而軫懷兮甲之鼉吾以行發郢都而去閭兮怛荒忽之
焉極楫齊揚以容與兮哀見君而不再得望長楸而太
息兮涕淫淫其若霰過夏首而西浮兮顧龍門而不見
心嬋媛而傷懷兮眇不如其所躐順風波以從流兮焉
洋洋而爲客凌陽侯之汎濫兮忽翱翔之焉薄心絀結
而不解兮思蹇產而不釋將運舟而下浮兮上洞庭而
下江去終古之所居兮今逍遙而來東羗靈魂之欲歸
兮何須臾而忘反背夏浦而西思兮哀故都之日遠登
大墳以遠望兮聊以舒吾憂心哀州土之平樂兮悲江
介之遺風當陵陽之焉至兮森南渡之焉如曾不知夏
之爲丘兮孰兩東門之可蕪心不怡之長久兮憂與愁
其相接惟郢路之遼遠兮江與夏之不可涉忽若去不
信兮至今九年而不復慘鬱鬱而不開兮蹇侘傺而含

感外承歡之汨約兮謀荏弱而難持忠湛湛而願進兮
妬被離而鄣之堯舜之抗行兮瞭杳杳而薄天衆讒人
之嫉妬兮被以不慈之僞名憎愠倫之修美兮好夫人
之忼慨衆踈蹠而日進兮美超遠而踰邁亂曰曼余目
以流觀兮冀壹反之何時鳥飛返故鄉兮狐死必首丘
信非吾罪而棄逐兮何日夜而忘之

抽思

心鬱鬱之憂思兮獨未歎乎增傷思蹇產之不釋兮曼
遭夜之方長悲夫秋風之動容兮何回極之浮浮數惟
蓀之多怒兮傷余心之悽悽願搖起而橫奔兮覽民尤
以自鎮結微情以陳詞兮矯以遺夫美人昔君與我成
言兮曰黃昏以爲期羗中道而回畔兮反既有此他志
僑吾以其美好兮覽余以其修姱與余言而不信兮蓋
爲余而造怒願承間而自察兮心震悼而不敢悲夷猶
而冀進兮心怛傷之憺憺茲歷情以陳辭兮蓀佯蘼而
不聞固切人之不媚兮衆果以我爲患初吾所陳之耿
著兮豈不至今其庸亡何毒藥之蹇蹇兮願蓀美之可
完望三五以爲像兮指彭咸以爲儀夫何極而不至兮
故遠聞而難虧善不由外來兮名不可以虛作孰無施
而有報兮孰不實而有獲少歌曰與美人之抽怨兮并
日夜而無正僑吾以其美好兮教朕辭而不聽倡曰有
鳥自南兮來集漢北好姱佳麗兮牂獨處此異域旣惇
獨而不羣兮又無良媒在其側道卓遠而日忘兮願自
申而不得望北山而流涕兮臨流水而太息望孟夏之

短夜兮何晦明之若歲惟郢路之遼遠兮竟一夕而九
逝曾不知路之曲直兮南指月與列星願徑逝而不得
兮竟識路之營營何靈寃之信直兮人之心不與吾心
同理弱而媒不通兮尚不知余之從容亂曰長瀨湍流
沂江潭兮狂顧南行聊以娛心兮軫石歲崑蹇吾願兮
超回忘度行隱進兮低徊夷猶宿北姑兮煩寃督容實
沛徂兮愁歎苦神靈遙思兮路遠處幽又無行媒兮道
思作頌聊自救兮憂心不遂斯言誰告兮

思美人

思美人兮覽涕而竚眙媒絕路阻兮言不可結而詒蹇
蹇之煩寃兮滔滯而不發申且以舒中情兮志沉苑而
莫達願寄言於浮雲兮遇豐隆而不將因歸鳥而致辭
兮羌迅高而難當高辛之靈盛兮遭玄鳥而致詒欲變
節以從俗兮媿易初而屈志獨歷年而離愍兮羌憑心
猶未化寧隱閔而壽考兮何變易之可爲知前轍之不
遂兮未改此度車旣覆而馬顛兮蹇獨懷此異路勒騏
驥而更駕兮造父爲我操之遷遂次而勿驅兮聊假日
以須肯指幡冢之西隈兮與曛黃以爲期開春發歲兮
白日出之悠悠吾將蕩志而愉樂兮遵江夏以娛憂擊
大薄之芳葎兮搴長州之宿莽惜吾不及古人兮吾誰
與玩此芳草解篇薄與雜菜兮備以爲交佩佩繽紛以
繚轉兮遂萎絕而離異吾且儵回以娛憂兮觀南人之
變態竊快中心兮揚厥憑而不竢芳與澤其雜糅兮羌
芳華自中出紛郁郁其遠承兮滿內而外揚情與質信

可保兮羌居蔽而聞章令薛荔而爲理兮憚舉趾而緣
木因芙蓉而爲媒兮憚蹇裳而濡足登高吾不說兮入
下吾不能固朕形之不服兮然容與而狐疑廣遂前畫
兮未改此度也命則處幽吾將罷兮願及白日之未暮
獨煢煢而南行兮思彭咸之故也

懷少

陶陶孟夏兮草木莽莽傷懷永哀兮汨徂南土眴兮杳
杳孔靜幽默鬱結紆軫兮離慙而長鞠撫情効志兮俛
屈以自抑利方以爲園兮常度未替易初本迪兮君子
所鄙章畫志墨兮前圖未改內厚質正兮大人所盛巧
倕不斲兮孰察其撥正玄文處幽兮矇眴謂之不章離
婁微睇兮瞽以爲無明變白而爲黑兮倒上以爲下鳳

皇在茲兮鷄鷲翔舞同糅玉石兮一槩而相量夫

人之鄙固兮羗不知余之所臧任重載盛兮陷滯而不
濟懷瑾握瑜兮窮不知所示邑犬羣吠兮吠所恠也誹
駿疑傑兮固庸態也文質疏內兮衆不知余之異采材
樸委積兮莫知余之所有重仁襲義兮謹厚以爲豐重
華不可選兮孰知余之從容古固有不並兮豈知其故
也湯禹久遠兮邈不可慕也懲違改忿兮抑心而自強
離慙而不遷兮願志之有像進路北次兮日昧昧其將
暮舒憂娛哀兮限之以大故亂曰浩浩沅湘兮分流汨
兮修路幽蔽兮道遠忽兮曾吟恒悲兮求歎慨兮世旣
莫吾知兮人心不可謂兮懷情抱質兮獨無匹兮伯樂
旣歿兮驥將焉程兮人生有命兮各有所錯兮定心廣

志余何畏懼兮曾傷爰哀永嘆喟兮世溷不吾知心不
可謂兮知死不可讓兮願勿愛兮明以告君子兮吾將
以爲類兮

惜往日

惜往日之曾信兮受命詔以昭詩奉先功以照下兮明
法度之嫌疑國富強而法立兮屬貞臣而日嫉祕密事
之載心兮雖過失猶弗治心純龐而不泄兮遭讒人而
嫉之君含怒而待臣兮不清徹其然否蔽晦君之聰明
兮虛惑誤又以欺弗參驗以考實兮遠遷臣而弗思信
讒諛之溷濁兮盛氣志而過之何貞臣之無罪兮被離
謗而見尤慙光景之誠信兮身幽隱而備之臨沅湘之
玄淵兮遂自忍而沉流卒沉身而絕名兮惜壅君之不
昭君無度而弗察兮使芳草爲藪幽焉舒情而抽信兮
恬死亡而不聊獨彰壅而蔽隱兮使貞臣而無由聞百
里之爲虜兮伊尹烹於庖厨呂望屠於朝歌兮甯戚歌
而飯牛不逢湯武與相繆兮世孰云而知之吳信讒而
弗味兮子胥死而後憂介子忠而立枯兮文君寤而追
求封介山而爲之禁兮報大德之優游思久故親身兮
因縞素而哭之或忠信而死節兮或訑謾而不疑弗省
察而按實兮聽讒人之虛詞兮與澤其雜糅兮孰申且
而別之何芳草之早殀兮微霜降而下戒諒不聰明而
蔽壅兮使讒諛而日得自前世之嫉賢兮謂蕙若其不
可佩如佳冶之芬芳兮萋母姦而自好雖有西施之美
容兮讒妬入以自代願陳情以白行兮得罪過之不意

情寃見之日明兮如列宿之錯置乘騏驥而馳騁兮無
轡銜而自載乘汜汜以下流兮無舟楫而自備背法度
而心治兮辟與此其無異寧溘死而流亡兮恐禍殃之
有再不畢辭而赴淵兮惜雍君之不識

橘頌

后皇嘉樹橘徠服兮受命不遷生南國兮深固難徙更
壹志兮綠葉素榮紛其可喜兮曾枝剌棘圓果搏兮青
黃雜糅文章爛兮精色內白類可任兮紛纒宜修姱而
不醜兮嗟爾幼志有以異兮獨立不遷豈不可喜兮深
固難徙廓其無求兮蘇世獨立積而不流兮明心自慎
終不過失兮秉德無私參天地兮願歲弄謝與長友兮
叔維不淫便其有理兮年歲雖少可師長兮行比自夷
置以爲像兮

悲回風

悲回風之搖蕙兮心寃結而內傷物有微而隕性兮聲
有隱而先倡夫何彭咸之造思兮暨志介而不忘萬變
其情豈可蓋兮孰虛僞之可長鳥獸鳴以號群兮草苴
比而不芳魚葺鱗以自別兮蛟龍隱其文章故荼苦不
同晦兮蘭茝幽而獨芳惟佳人之求都兮更統世而自
貶眇遠志之所及兮憐浮雲之相佯介眇志之所惑兮
竊賦詩之所明惟佳人之獨懷兮折芳椒以自處增歎
歎之嗟嗟兮獨隱伏而思慮涕泣交而凄凄兮思不眠
以至曙終長夜之曼曼兮掩此哀而不去寤從容以周
流兮聊逍遙以自恃傷太息之愍歎兮氣於邑而不可

止糺思心以爲纏兮編愁苦以爲膺折若木以蔽光兮
隨飄風之所仍存髣髴而不見兮心踊躍其若湯撫珮
衽以案志兮超惘惘而遂行歲習習若其頽兮昔亦冉
冉而將至蘋蘩稿而節離兮芳以歇而不比憐思心之
不可懲兮證此言之不可聊寧逝死而流亡兮不忍此
心之常愁孤子唵而拭淚兮放子出而不還孰能思而
不隱兮昭彭咸之所聞登石巒以遠望兮路眇眇之默
默入景嚮之無應兮聞省想而不可得愁鬱鬱之無快
兮居戚戚而不可解心鞶羈而不開兮氣繚轉而自締
穆眇眇之無垠兮莽芒芒之無儀聲有隱而相感兮物
有純而不可爲藐漫漫之不可量兮縹綿綿之不可紆
愁悄悄之常悲兮翩冥冥之不可娛凌大波而流風兮

彭咸之所居上高巖之峭岸兮處雌蜺之標顛據青
冥而攄虹兮遂儵忽而捫天吸湛露之浮涼兮漱凝霜
之雰雰依風穴以自息兮忽傾寤以嬋媛馮崑崙以瞰
霧露兮隱岷山以清江憚涌湍之磴磴兮聽波聲之洶
洶紛容容之無經兮罔芒芒之無紀軋洋洋之無從兮
馳委移之焉上漂翻翻其上下兮翼遙遙其左右汜瀟
瀟其前後兮伴張弛之信期觀炎氣之相仍兮窺煙液
之所積悲霜雪之俱下兮聽潮水之相擊借光景以往
來兮施黃棘之枉策求介子之所存兮見伯夷之放迹
心調度而弗去兮刻著志之無適曰吾怨往昔之所冀
兮悼來者之怵怵浮江淮而入海兮從子胥而自適望
大河之洲渚兮悲申徒之抗迹驟諫君而不聽兮任重

石之何益心結絳而不解兮思蹇產而不釋

遠遊

悲時俗之迫阨兮願輕舉而遠遊質菲薄而無因兮焉
託乘而上浮建沉濁而汙穢兮獨鬱結其誰語夜烟烟
而不寐兮魂營營而至曙惟天地之無窮兮哀人生之
長勤往者余弗及兮來者吾不聞步徙倚而遙思兮怊
惝恍而未懷意荒忽而流蕩兮心愁悽而增悲神儵忽
而不返兮形枯槁而獨留內惟省以端操兮求正氣之
所由漠虛靜以恬愉兮澹無爲而自得聞赤松之清塵
兮願承風乎遺則貴貞人之休德兮羨往世之登倦與
化去而不見兮名聲著而日延奇傳說之託辰星兮羨
韓衆之得一形穆穆以浸遠兮離人羣而遁逸因氣變
而遂舉兮忽神奔而鬼恠時髮髯以遙見兮精皎皎
以往來絕氛埃而淑尤兮終不反其故都免衆患而不
懼兮世莫知其所如恐天時之代序兮耀靈畢而西征
微霜降而下淪兮悼芳草之先零聊仿佯而逍遙兮未
歷年而無成誰可與玩斯遺芳兮晨向風而舒情高陽
邈以遠兮余將焉所程重曰春秋忽其不淹兮奚久留
此故居軒轅不可攀援兮吾將從王喬而娛戲食六氣
而飲沆瀣兮漱正陽而含朝霞保神明之清澄兮精氣
入而麤穢除順凱風以從遊兮至南巢而壹息見王子
而宿之兮審壹氣之和德曰道可受兮不可傳其小無
內兮其大無垠無涵滑而魂兮彼將自然壹氣孔神兮
於中夜存虛以待之兮無爲之先廢類以成兮此德之



門聞至貴而遂但兮忽乎吾將行仍羽人於丹丘兮留
不死之舊鄉朝惟髮於湯谷兮夕晞余身兮九陽吸飛
泉之微液兮懷玃琰之華英玉色頰以脫顏兮精醇粹
而始壯質銷鑠以內約兮神要眇以淫放嘉南州之炎
德兮麗桂樹之冬榮山蕭條而無獸兮野寂寞乎無人
載營魄而登霞兮掩浮雲而上征天閭其開關兮排
閭闔而望予召豐隆使先導兮問大微之所居集重陽
入帝宮兮造旬始而觀清都朝發朝於太儀兮夕始臨
乎微於閭屯余車之萬乘兮紛卷與而並馳駕八龍之
婉婉兮載雲旗之透蛇建雄虹之采旄兮五色雜而炫
耀服偃蹇以低昂兮驂連蜷以驕驚騎膠葛以雜亂兮
班漫衍而方行撰余轡而正策兮吾將過乎鈎芒歷太
皓以右轉兮前飛廉以啓路陽杲杲其未光兮凌天地
以徑度風伯爲余先驅兮辟氛埃而清涼鳳凰翼其承
旂兮遇蓐收乎西皇擘彗星以爲旂兮舉斗柄以爲麾
叛陸離其上下兮遊驚霧之流波昔晡晡其曠莽兮召
玄武而奔屬後文昌使掌行兮選署衆神以並轂路曼
曼其悠遠兮徐弭節而高厲左雨師使徑侍兮右雷公
以爲衛欲遠度世以忘歸兮意恣睢以担矯內欣欣而
自美兮聊媮娛以自樂涉青雲以汎濫游兮忽臨睨夫
舊鄉僕夫懷余心悲兮邊馬顧而不行思舊故以想像
兮長太息而掩涕汜容與而遐舉兮聊抑志而自弭指
炎神而直馳兮吾將往乎南疑覽方外之荒忽兮沛罔
象而自浮祝融戒而蹕御兮騰告鸞鳥迎宓妃張樂咸

池奏承雲兮二女御九韶歌使湘靈鼓瑟兮令海若舞
馮夷玄螭蟲象並出進兮形螺虬而逶迤雌蜺便娟以
增撓兮鸞鳥軒翥而翔飛音樂博衍無終極兮焉乃逝
以徘徊舒并節以馳騫兮遠絕垠乎寒門軼迅風於清
源兮從顛頊乎增永歷玄冥以邪徑兮乘間維以反顧
召黔羸而見之兮為余先乎平路經營四荒兮周流六
漠上至列缺兮降望大壑下崢嶸而無地兮上寥廓而
無天視儵忽而無見兮聽愴怳而無聞超無為以至清
兮與泰初而為鄰

九辯 四首

宋玉

霜露慘淒而交下兮心尚幸其弗濟霰雪雰糅其增加
兮乃知遭命之將至願徼幸而有待兮泊莽莽兮與稷
草同死願自往而徑遊兮路壅絕而不通欲循道而平
驅兮又未如其所從然中路而迷惑兮自壓按而學誦
性愚陋以褊淺兮信未達乎從容竊美申包胥之氣盛
兮恐時世之不固何時俗之工巧兮滅規渠而改鑿獨
耿介而不隨兮願慕先聖之遺教處濁世而顯榮兮非
余心之所樂與其無義而有名兮寧窮處而守高食不
媮而為飽兮衣不苟而為溫竊慕詩人之遺風兮願託
志乎素餐蹇充倔而無端兮泊莽莽而無垠無衣裘以
禦冬兮恐溘死而不得見乎陽春

靚秒秋之遙夜兮心繚悞而有哀春秋遑遑而日高兮
然惆悵而自悲四時遒來而卒歲兮陰陽不可與儷偕
白日晼晚其將入兮明月銷鑠而滅數歲忽忽而適盡

兮老冉冉而俞弛心搖悅而日幸兮然怙悵而無冀中
憊惻之悽愴兮長太息而增歎洋洋以日往兮老嶮
廓而無處事疊疊而覬進兮寒淹留而躊躇

河汜濫之浮雲兮森壅蔽此明月忠昭昭而願見兮然
露臆而莫達願浩日之顯行兮雲濛濛而蔽之竊不自
聊而願忠兮或黥點而汗之堯舜之抗行兮瞭冥冥而
薄天何險巇之嫉妬兮被以不慈之僞名彼日月之照
明兮尚黯黹而有瑕何況一國之事兮亦多端而膠加
被荷稠之晏晏兮然潢洋而不可帶既驕美而伐武兮
負左右之耿介憎慍倫之修美兮好夫人之慷慨衆踐
蹠而日進兮美超遠而逾邁農夫輟耕而容與兮恐田
野之蕪穢事綿綿而多私兮竊悼後之危敗世雷同而
炫曜兮何毀譽之昧昧今修飾而窺鏡兮後尚可以竄
藏願寄言夫流星兮差儵忽而難當卒壅蔽此浮雲兮
下暗漠而無光

堯舜皆有所舉任兮故高枕而自適諒無怨於天下兮
焉取此怵惕乘騏驥之瀏瀏兮馭安用夫強策諒城郭
之不足恃兮雖重介之何益遭翼翼而無終兮忤惛惛
而愁約生天地之若過兮功不成而無効願沈滯而無
見兮尚欲布名乎天下然潢洋而不遇兮直恂恂而自
苦莽洋洋而無極兮忽翱翔之焉薄國有驥而不知乘
兮焉皇皇而更索甯戚謳於車下兮桓公聞而知之無
伯樂之善相兮今誰使乎訾之罔流涕以聊慮兮惟著
意而得之紛純純之願忠兮如被離而鄣之願賜不肖

之軀而別離兮放遊志乎雲中乘精氣之搏搏兮驚諸
神之湛湛驂白霓之習習兮歷羣靈之豐豐左朱雀之
芟芟兮右蒼龍之躍躍屬雷師之闐闐兮通飛廉之衙
衙前輕輶之鏘鏘兮後輜乘之從從載雲旗之委蛇兮
扈屯騎之容容計專專之不可化兮願遂推而爲臧賴
皇天之厚德兮還及君之無恙

廣文選卷第二十七

江都葛澗校

廣文選卷第二十八

明通議大夫都察院右副都御史大庾劉節廣

騷中

大招

景差

青春受謝白日昭只春氣奮發萬物遽只冥凌泱行魂
無逃只魂魄歸徠無遠遙只魂乎歸徠無東無西無南
無北只東有大海溺水泚泚只螭龍並流上下悠悠只
霧雨淫淫白皓膠只魂乎無東湯谷宗只魂乎無南南
有炎火千里腹蛇虺只山林險隘虎豹蜿只鱖鱗短狐
王虺騫只魂乎無南蜮傷躬只魂乎無西西方流沙溱
洋洋只豕首縱目被髮鬢只長爪踞牙諛笑狂只魂乎
無西多害傷只魂乎無北北有寒山連龍絕只伐水不